

ԱՐՁԱՆԱԳՐՈՒԹՅՈՒՆ N 1

ՀՈՒՄԱՆԻՏԱՐ ԳԻՏՈՒԹՅՈՒՆՆԵՐԻ ՖԱԿՈՒԼՏԵՏԻ ԳԻՏԱԿԱՆ ԽՈՐՀՐԴԻ ՆԻՍՏԻ

06.09.2019

Ք. Իջևան

Մասնակցում էին գիտխորհրդի 21 անդամներից 17-ը.

ՕՐԱԿԱՐԳ

1. Հումանիտար գիտությունների ֆակուլտետի գիտխորհրդի ընտրովի անդամների քվեարկության հարցը: / Ձեկուցող՝ Կ. Պողոսյան/
2. Ֆակուլտետի անվանական կրթաթոշակի թեկնածուների առաջադրման և հաստատման մասին: / Ձեկուցող՝ Վ. Աղաբաբյան/

ԼՄԵՑԻՆ.

Օրակարգի 1-ին հարցի վերաբերյալ զեկուցեց ֆակուլտետի դեկան Կ. Պողոսյանը: Նա նշեց, որ ֆակուլտետի կառավարումն իրականացվում է ՀՀ օրենսդրությանը, ԵՊՀ ԻՄ-ի կանոնադրությանը և ֆակուլտետի կանոնադրությանը համապատասխան՝ միանձնյա և կոլեգիալ կառավարման սկզբունքների զուգակցմամբ: Ֆակուլտետի կառավարման կոլեգիալ մարմինը ֆակուլտետի գիտական խորհուրդն է, որի նախագահը ֆակուլտետի դեկանն է: Ձեկուցողը նշեց, որ ֆակուլտետի հաստիքացուցակում տեղի են ունեցել որոշակի փոփոխություններ: Բացի այդ՝ գիտխորհրդի կազմի ուսանող-անդամներից ոմանք ավարտել են ուսումնառությունը, և կարիք կա թափուր տեղերը համալրելու: Ձեկուցողը ներկայացրեց, որ ֆակուլտետի գիտական խորհուրդը կազմված է ի պաշտոնե, հրավիրյալ և ընտրովի անդամներից: Խորհրդի ի պաշտոնե և հրավիրյալ անդամների թիվը չի կարող գերազանցել գիտական խորհրդի կազմի 50%-ը: Ձեկուցողը տեղեկացրեց, որ ֆակուլտետի գիտական խորհրդի կազմի մեջ ի պաշտոնե մտնում են դեկանը՝ որպես նախագահ, նրա տեղակալը, ամբիոնների վարիչները, մեթոդական խորհրդի նախագահը և արհրությունի նախագահը: Գիտական խորհրդի կազմում ընդգրկվում են ֆակուլտետի գործունեության և մասնագիտությունների հետ կապված արտահամալսարանական ու արտաֆակուլտետային մասնագետներ՝ գիտական խորհրդի կազմի մինչև 20 տոկոսի չափով:

Զեկուցողը նաև նշեց, որ գիտական խորհրդի անդամների առնվազն 50 տոկոսն ընտրովի անդամներն են: Գիտական խորհրդի ընտրովի անդամների թեկնածությունները համամասնորեն առաջադրում են ֆակուլտետի կառուցվածքային ստորաբաժանումները, որոնց թիվը հաշվարկվում է ըստ տվյալ ստորաբաժանման հաստիքների գումարային թվաքանակի: Գիտական խորհրդի ընտրովի անդամներ կարող են առաջադրվել միայն տվյալ ստորաբաժանման հիմնական և ներքին համատեղությամբ աշխատողները: Նշվեց, որ գիտական խորհրդի անդամների 25%-ը սովորողներն են, որոնց ընտրությունն իրականացրել է ֆակուլտետի ուսանողական խորհուրդը և ներկայացրել վեց ուսանողների թեկնածություն:

Դեկանը նշեց, որ բոլոր ամբիոններում իրականացվել են քննարկումներ, լսել են բոլոր առաջարկությունները: Ի վերջո ֆակուլտետի գիտական խորհրդի կազմում կատարվել են հետևյալ փոփոխությունները.

1. Մելիքսեթյան Վիկտորիա Գրիշայի–Մանկավարժության և հոգեբանության ամբիոնի դասախոս- անդամ /փոխարինել է հ.գ.թ., դոցենտ Ա. Թ. Կոբեյանին/
2. Ոսկանյան Զինա Արտակի–Հումանիտար գիտությունների ֆակուլտետի ՈՒԽ նախագահ, Տարրական մանկավարժություն և մեթոդիկա – 3-րդ կուրս- անդամ /փոխարինել է ՈՒԽ նախկին նախագահ Տիգրան Լիպարիտի Չիբուխչյանին/
3. Ղազումյան Լարիդա Արարատի– Հումանիտար գիտությունների ֆակուլտետի ՈՒԳԸ նախագահ, Պատմություն–4-րդ կուրս- անդամ /փոխարինել է ՈՒԳԸ նախկին նախագահ Շիրակ Արմենակի Գասպարյանին/
4. Գասպարյան Շիրակ Արմենակի– Պատմություն–4-րդ կուրս-անդամ /փոխարինել է Մարգարիտ Վարդկեսի Թամրազյանին/:

ԱՐՏԱՀԱՅՏՎԵՑԻՆ.

Բ.գ.թ., դոցենտ Վ. Ավագյանը, պ.գ.թ. Դ. Թինոյանը, հ.գ.թ., դոցենտ Լ. Սարգսյանը, Բ.գ.թ., դոցենտ Ք. Հարությունյանը, ասիստենտ Ա. Մարդանյանը: Նրանք նշեցին, որ ամբիոններում հանգամանորեն քննարկվել են ֆակուլտետի գիտական խորհրդի ընտրովի անդամների թեկնածությունները: Արտահայտվողները բարձր գնահատեցին առաջադրված թեկնածուների գիտական և մասնագիտական որակները:

Տեղի ունեցավ բաց քվեարկություն, որով առաջադրված թեկնածուները միաձայն ընտրվեցին:

ՈՐՈՇԵՑԻՆ.

Քվեարկության արդյունքները հաշվի առնելով՝ հաստատել Հումանիտար գիտությունների ֆակուլտետի գիտական խորհրդի ընտրովի անդամների թեկնածությունները:

ԼՄԵՑԻՆ.

Օրակարգի 2-րդ հարցի վերաբերյալ զեկուցեց ֆակուլտետի դեկանի տեղակալ Վ. Աղաբաբյանը: Զեկուցողը նշեց այն չափանիշները, որոնք հաղթահարելուց հետո ուսանողը կարող է հավակնել անվանական կրթաթոշակի, որոնք են՝ անառարկելի ակադեմիական բարձր առաջադիմությունը, պատշաճ կարգապահությունը և հասարակական ակտիվությունը: Վ. Աղաբաբյանն ընդգծեց, որ նշված կիսամյակում ֆակուլտետում նկատելի ավելացել է անընդմեջ ակադեմիական բարձր առաջադիմություն ցուցաբերող ուսանողների թիվը, որը բավարար հիմք է նրանց անվանական կրթաթոշակի ներկայացնելու համար:

ԱՐՏԱՀԱՅՏՎԵՑԻՆ.

«Պատմություն» մասնագիտության կրթական ծրագրի պատասխանատու Ն. Գրիգորյանը նշեց, որ ուսանողների մեջ իր առաջադիմությամբ, կարգապահությամբ և ակտիվությամբ աչքի է ընկնում 4-րդ կուրսի ուսանողուհի Լարիդա Ղազումյանը: Նա ֆակուլտետի ՈԻԳԸ նախագահն է, մշտապես ակտիվ է թե՛ դասերի ընթացքում, թե՛ հասարակական հանձնարարություններ կատարելիս, չորս կիսամյակ անընդմեջ ցուցաբերել է գերազանց առաջադիմություն, և այդ պատճառով նպատակահարմար է Լարիդա Ղազումյանին առաջադրել «Մխիթար Գոշ» անվանական կրթաթոշակի թեկնածու:

«Անգլերեն լեզու և գրականություն» մասնագիտության կրթական ծրագրի պատասխանատու Շ. Գրիգորյանը նշեց, որ ուսանողների մեջ իր առաջադիմությամբ, կարգապահությամբ և ակտիվությամբ աչքի է ընկնում 4-րդ կուրսի ավագ Անի Ասրյանը: Վերջինս մշտապես ակտիվ է թե՛ դասերի ընթացքում, թե՛

հասարակական հանձնարարություններ կատարելիս, վեց կիսամյակ անընդմեջ ցուցաբերել է գերազանց առաջադիմություն, և այդ պատճառով նպատակահարմար է Անի Ասրյանին առաջադրել «ԵՊՀ» անվանական կրթաթոշակի թեկնածու:

«Անգլերեն լեզու և գրականություն» կրթական ծրագրի պատասխանատու Շ. Գրիգորյանը ներկայացրեց, որ տվյալ մասնագիտության ուսանողներից առաջադիմությամբ աչքի է ընկել նաև 4-րդ կուրսի ուսանողուհի Վահիդա Խոջայանը: Նա վերջին վեց կիսամյակում ունի անընդմեջ գերազանց առաջադիմություն, և այդ պատճառով նպատակահարմար է Վահիդա Խոջայանին առաջարկել որպես «Շառլ Ազնավուրի անվան կրթաթոշակի» թեկնածու:

«Հայոց լեզու և գրականություն» մասնագիտության կրթական ծրագրի պատասխանատու Լ. Թումանյանը նույն կրթական ծրագրի ուսանողներից առանձնացրեց 4-րդ կուրսի ավագ Աստղիկ Ղազարյանի թեկնածությունը: Վերջինս վեց կիսամյակ անընդմեջ գերազանց առաջադիմություն ունի: Բացի այդ՝ Ա. Ղազարյանը ոչ միայն ցուցաբերում է գերազանց առաջադիմություն, հասարակական ակտիվություն և օրինակելի վարք, այլ նաև ակտիվորեն մասնակցում է մասնաճյուղում և հանրապետությունում կազմակերպվող մի շարք գիտական նստաշրջանների: Զեկուցողը առաջարկեց Աստղիկ Ղազարյանին ներկայացնել որպես «Իջևան» անվանական կրթաթոշակի թեկնածու:

Զեկուցողը «Հայոց լեզու և գրականություն» կրթական ծրագրի ուսանողներից առանձնացրեց 4-րդ կուրսի ավագ Ռոզա Մելքոնյանի թեկնածությունը: Վերջինս չորս կիսամյակ անընդմեջ գերազանց առաջադիմություն ունի: Բացի այդ, Ռ. Մելքոնյանը ոչ միայն ցուցաբերում է գերազանց առաջադիմություն, հասարակական ակտիվություն և օրինակելի վարք, այլ նաև ակտիվորեն մասնակցում է մասնաճյուղում և հանրապետությունում կազմակերպվող մի շարք գիտական նստաշրջանների: Զեկուցողը առաջարկեց Ռոզա Մելքոնյանին ներկայացնել որպես «Գրիգոր Նարեկացի» անվանական կրթաթոշակի թեկնածու:

Լ. Թումանյանը «Հայոց լեզու լեզու և գրականություն» կրթական ծրագրի ուսանողներից առանձնացրեց 3-րդ կուրսի ուսանողուհի Գոհար Մխիթարյանի թեկնածությունը: Զեկուցողը նշեց, որ վերջինս չորս կիսամյակ անընդմեջ գերազանց առաջադիմություն ունի: Բացի այդ, Գ. Մխիթարյանը ցուցաբերում է հասարակական

ակտիվություն և օրինակելի վարք: Զեկուցողը առաջարկեց Գոհար Մխիթարյանին ներկայացնել որպես «Մոնթե Մելքոնյան» անվանական կրթաթոշակի թեկնածու:

Մանկավարժության և հոգեբանության ամբիոնի դասախոս Վ. Մելիքսեթյանը «Տարրական մանկավարժություն և մեթոդիկա» կրթական ծրագրի ուսանողներից առանձնացրեց 4-րդ կուրսի ավագ Վանուհի Հարությունյանի թեկնածությունը: Զեկուցողը նշեց, որ վերջինս վեց կիսամյակ անընդմեջ գերազանց առաջադիմություն ունի: Բացի այդ, Վ. Հարությունյանը ցուցաբերում է հասարակական ակտիվություն և օրինակելի վարք: Զեկուցողը առաջարկեց Վանուհի Հարությունյանին ներկայացնել որպես «Դավիթ Անհաղթ» անվանական կրթաթոշակի թեկնածու:

ՈՐՈՇԵՑԻՆ.

Դիմել մասնաճյուղի տնօրինությանը՝ հաստատելու Լարիդա Ղազումյանին որպես «Մխիթար Գոշ», Անի Ասրյանին՝ «ԵՊՀ», Ռոզա Մելքումյանին՝ «Գրիգոր Նարեկացի», Վահիդա Խոջայանին՝ «Շառլ Ազնավուր», Վանուհի Հարությունյանին՝ «Վազգեն Սարգսյան», Գոհար Մխիթարյանին՝ «Մոնթե Մելքոնյան» և Աստղիկ Ղազարյանին՝ «Իջևան» անվանական կրթաթոշակի:

ԽՈՐՀՐԴԻ ՆԱԽԱԳԱՀ

Կ. Պողոսյան

ՔԱՐՏՈՒՂԱՐ

Վ. Աղաբաբյան